

Ajla Milišić Pepić, zastupnica (Narod i pravda)

Alma Beganović, zastupnica (Narod i pravda)

Predstavnički dom Parlamenta FBiH

PARLAMENT FEDERACIJE BIH

PREDSTAVNIČKI DOM

n/r Adisa Kokić – Hinović

n/r Silva Banović

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 30-04-2025			
Org. jed.	Broj	Priloga	Vrijednost
01	- 02	19/22	
02	- 02	- 964/23	

X/10
PD
iDN

PREDMET: Dostava komentara na Nacrt Zakona o nagrađivanju, uzdržavanju i kategorizaciji sportaša u FBiH

Poštovani,

1. U članu 1. stav 2. nije jasno da li su neolimpijski sportovi obuhvaćeni za nagrađivanje jer se ovdje spominju dok se u članu 3. tačka b) i c) ne spominju i izbačeni su u spominjanju, dok se u članu 4. opet spominju neolimpijski sportovi.
2. U članu 5. koji govori o osnovnim uvjetima predlažem da se doda „i onih sportova koji su bili i/ili će biti u olimpijskom programu naše zemlje, budući da su sportovi poput karatea i boksa bili unutar olimpijskog programa i izbačeni su. Npr. karate je ponovo uvršten u olimpijski program za Olimpijske igre 2032.

Poražavajuća i krajnje diskriminirajuća je činjenica da od 5 manifestacija pod okriljem Olimpijskog komiteta, karatisti učestvuju na 4.

Sada zamislite vraća se delegacija sportista Olimpijskog komiteta busom, u istim trenerkama sa istim logom, istim osvojenim medaljama, samo što će kad se vrate kući džudista po ovom Zakonu biti nagrađen a karatista neće.

S tim u vezi, na osnovnu gore pobrojanih komentara dostavljam Vam sljedeće amandmane:

AMANDMAN 1.

U članu 1. stav 2. iza riječi „Olimpijskim/Paraolimpijskim“ dodati riječi „i sportova koji su učestvovali na Olimpijskim igrama“.

AMANDMAN 2.

U članu 3. stav b) i c) predlažem da se iza riječi „Olimpijskim/Paraolimpijskim“ dodaju riječi „i sportovi koji su učestvovali na Olimpijskim igrama, neolimpijskim i paraolimpijskim disciplinama“.

AMANDMAN 3.

U članu 4. iza riječi „Olimpijskim/Paraolimpijskim“ dodati riječi i „sportovi koji su učestvovali na Olimpijskim igrama“.

AMANDMAN 4.

U članu 5. stav 1. iza riječi „Međunarodnog olimpijskog odbora (IOK) dodati „i sportovi koji su učestvovali na Olimpijskim igrama“.

OBRAZLOŽENJE:

Predlažem da se u članovima 1. stav 2.; član 3 stav b) i c) dodaju riječi „i sportovi koji su učestvovali na Olimpijskim igrama“ iz razloga što je kaarte sport učestvovao na Olimpijskim igrama 2021. godine u Tokiju. Prema planu Olimpijskih igara koje će se održati u Brisbenu 2032. godine, karate sport će ponovo biti na programu Olimpijskih igara.

S obzirom da se radi o najrazvijenijem i najtrofejnijem sportu u BiH, smatram da bi na ovaj način obuhvatili ravnopravno nagrađivanje i sportista iz karate sporta.

Molim Vas da ove komentare uzmete u razmatranje i na najbolji način otklonite diskrimirajuće propise unutar ovog Nacrta.

S poštovanjem,

Ajla Milišić Pepić
Alma Beganović

Sarajevo, 30.04.2025.